

**ხელშეკრულება №2/ 18**  
**სახელმწიფო შესყიდვის შესახებ**

ქ. თბილისი

13 აპრილი, 2016 წელი

**ხელშეკრულების დამდები მხარეები**

ერთის მხრივ სსიპ „შემოსავლების სამსახური“ ფინანსური დეპარტამენტის უფროსის მოვალეობის შემსრულებლის სოფიო ვაჩაძის სახით (შემდგომში „შემსყიდველი“); იურიდიული მისამართი ქ. თბილისი, გორგასლის ქ. №16; ს/კ 204525585; მიმღები ბანკი - სახელმწიფო ხაზიანა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 70701

(ორგანიზაციის დასახელება, იურიდიული მისამართი და საბანკო რეკვიზიტები)

და მეორეს მხრივ შპს „ქართული პროგრამული სისტემები“ (შემდგომში მიმწოდებელი), მისი ადმინისტრაციული დირექტორის გრიგოლ გრძელიშვილის სახით, იურიდიული მისამართი ქ. თბილისი, პოლიტკოვსკაიას N8; ტელეფონის ნომერი: 231-33-31; ს/კ: 202198754, სს „თიბისი ბანკი“, კოდი #TBCBGE22, ა/ა # GE41TB060000027467795

(ორგანიზაციის დასახელება, იურიდიული მისამართი და საბანკო რეკვიზიტები)

**1. ხელშეკრულების საგანი და ობიექტი**

**1.1 ხელშეკრულების საგანი** სახელმწიფო ბიუჯეტის სახსრებით საბუღალტრო პროგრამა „Superfin“ 6-ის ქსელური ვერსიის ბაზის განახლების მომსახურების შესყიდვა (CPV72321000) გამარტივებული შესყიდვის საშუალებით „სახელმწიფო შესყიდვების შესახებ“ საქართველოს კანონის მე-3 პუნქტის პირველი პუნქტის „ს“ ქვეპუნქტის საფუძველზე.

**1.2 ხელშეკრულების ობიექტი:**

1. 1 (ერთი) ერთეული ერთმომხმარებლიანი საბუღალტრო პროგრამა საბუღალტრო პროგრამა „Superfin“ 6-ის ქსელური ვერსიის ბაზის განახლების მომსახურების შესყიდვა ერთჯერადად. განახლების მომსახურების ღირებულება შეადგენს 828 (რვაას ოცდარვა) ლარს.

საფუძველი: სსიპ შემოსავლების სამსახურის აუდიტის დეპარტამენტის უფროსის 2016 წლის 12 აპრილის N4267-21-14 მოხსენებითი ბარათი.

**2. ხელშეკრულების ღირებულება**

2.1 შესყიდვის ობიექტის ფასი განისაზღვრება ლარებში.

2.2. ხელშეკრულების საერთო ღირებულება შეადგენს **828.00 (რვაას ოცდარვა ლარი და 00 თეთრი) ლარს** ხელშეკრულებით გათვალისწინებული თანამდევნი ხარჯებისა და გადასახადების (დ.დ.გ. და სხვა) ჩათვლით.

**3. შესყიდვის ობიექტის მიწოდების პირობები**

3.1 მომსახურების გაწევა უნდა განხორციელდეს ხელშეკრულების გაფორმებიდან **3 (სამი) სამუშაო დღის** ვადაში **შემსყიდველის** შემდეგ მისამართზე: ქ. თბილისი, გულუას ქ. N4.

**4. შესყიდვის ობიექტის მიღება-ჩაბარების წესი**

4.1 შესყიდვის ობიექტის მიღება ფორმდება მიღება-ჩაბარების აქტით, შემსყიდველისა და მიმწოდებლის საამისოდ უფლებამოსილი წარმომადგენლის ხელმოწერით.

4.2 ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტის გაფორმებაზე უფლებამოსილი პირები არიან შემოსავლების სამსახურის აუდიტის დეპარტამენტის თანამშრომლები.

**5. ანგარიშსწორების ფორმა, ვადები და ადგილი**

5.1 მიწოდებული ობიექტის ღირებულების ანაზღაურება მოხდება უნაძლო ანგარიშსწორებით, ლარებში.

5.2 ანგარიშსწორება შემსყიდველის მიერ მოხდება მომსახურების მიწოდებისა და აღნიშნულის თაობაზე მხარეთა შორის მიღება-ჩაბარების აქტის გაფორმებიდან **20 (ოცი) საბანკო დღის** განმავლობაში.

5.3 ანაზღაურების ადგილია ქალაქი თბილისი.

**6. მხარეთა უფლება-მოვალეობანი**

6.1 ხელშეკრულებიდან გამომდინარე წარმოშობილი სადაო საკითხები წყდება მხარეთა ურთიერთშეთანხმების გზით. უთანხმოების შემთხვევაში დავა განიხილება სასამართლოში საქართველოს მოქმედი კანონმდებლობის შესაბამისად.

6.2 შემსყიდველის მიერ ანგარიშსწორების შეუსრულებლობის ან დაგვიანების შემთხვევაში მიმწოდებელს აქვს უფლება წამოაყენოს პრეტენზიები.

6.3-მ შემთხვევაში, თუ შემსყიდველის მიერ აღმოჩენილი იქნება რაიმე შეცდომა პროგრამასთან "SuperFin" მუშაობისას, მიმწოდებელი ვალდებულია აღმოფხვრას არსებული უმოკლეს ვადაში, რომელიც დათქმული იქნება ორივე მხარის მიერ.

6.4 რამდენიმე კომპიუტერზე პროგრამის ერთი და იგივე ლიცენზირებული კოპიის ინსტალაციის შემთხვევაში მიმწოდებელი არ იღებს პასუხისმგებლობას პროგრამის კორექტულ მუშაობაზე.

6.5 არალიცენზირებული კოპიის აღმოჩენის შემთხვევაში მიმწოდებელი იტოვებს უფლებას საზღაურის გარეშე შეუწყვიტოს შემსყიდველს ყველა ლიცენზია იმ შემთხვევაშიც კი, თუ მისი მომსახურების ვადა არ იქნება გასული.

6.6 მიმწოდებელი ვალდებულია დაიცვას კონფიდენციალობა შემსყიდველის კომერციულ და ტექნიკურ ინფორმაციაზე.

6.7 მიმწოდებლის მიერ სამუშაოს შეუსრულებლობის ან უხარისხოდ შესრულებისას, შემსყიდველს აქვს უფლება წარუდგინოს პრეტენზიები და გააფორმოს ისინი შეტყობინების სახით.

6.8 შემსყიდველი ვალდებულია დროულად მოახდინოს ხელშეკრულებაში ჩამოყალიბებული ფინანსური ანგარიშსწორება.

## **7. მხარეთა პასუხისმგებლობა ხელშეკრულების დარღვევისას**

7.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

7.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულების გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

7.3 ხელშეკრულების მოშლისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

7.4 ხელშეკრულების მოშლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

## **8. ხელშეკრულების მოქმედების ვადა**

8.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2016 წლის 31 მაისამდე, მხარეთა მიერ ნაკისრი ვალდებულებების სრულ და ჯეროვან შესრულებამდე.

## **9. ხელშეკრულების პირობების გადასინჯვის შესაძლებლობა**

9.1 წინამდებარე ხელშეკრულების პირობების, მათ შორის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

## **10. ფორს-მაჟორი**

10.1 ხელშეკრულების პირობების დარღვევად არ ჩაითვლება, შემთხვევა, როცა რომელიმე მხარე ვერ მოახერხებს თავისი მოვალეობის შესრულებას ფორსმაჟორული მოვლენების ზემოქმედების გამო.

10.2 ფორსმაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორსმაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხეობები, რომლებიც დამოუკიდებელი იქნებოდნენ ფორსმაჟორული გარემოებების ზეგავლენისაგან.

10.4 ფორსმაჟორული გარემოებების აღმოფხვრის შემდეგ მხარეები შეთანხმდებიან ხელშეკრულებით ნაკისრი ვალდებულებების შესრულების ახალ ვადებზე.

## 11. დავები და მათი გადაწყვეტის წესი

11.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

11.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

## 12. ხელშეკრულების ინსპექტირების პირობები

12.1 შემსყიდველს უფლება აქვს განახორციელოს პროგრამისა და მონაცემთა ბაზის კონტროლი, რათა დარწმუნდეს სამუშაოს შესაბამისობაში ხელშეკრულებით გათვალისწინებულ პირობებთან.

12.2 თუ შემოწმების შედეგად გამოვლენილი იქნა, რომ პროგრამას გააჩნია რაიმე დეფექტი მიმწოდებელი ვალდებულია საკუთარი ხარჯებით უზრუნველყოს ხარვეზების აღმოფხვრა.

12.3 ხელშეკრულების ინსპექტირებას შემსყიდველის მხრიდან განახორციელებს შემსოავლების სამსახურის უფროსის ბრძანებით განსაზღვრული პირთა ჯგუფი.

## 13. სხვა პირობები

13.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

13.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.


„შემსყიდველი“  
სსიპ „შემოსავლების სამსახური“

სოფიო ფაჩაძე  
ფინანსური დეპარტამენტის  
უფროსის მოვალეობის შემსრულებელი



„მიმწოდებელი“  
შპს „ქართული პროგრამული სისტემები“

გრიგოლ გრძელიშვილი  
ადმინისტრაციული დირექტორი





## Georgian Software Systems Ltd.

ანა პოლიტოვსკაია 8, ქ.თბილისი. ტელ: (995 32) 2313331, 2313431 ფაქსი: (995 32) 2313531  
service@GSS-Ltd.com - www.GSS-Ltd.com

### ინვოისი

12/04/2016

მიმღების რეკვიზიტები:

შ.პ.ს. ქართული პროგრამული სისტემები - 202198754


TBC ბანკის ცენტრალ. ფილ. TBCBGE22 - ა/ა GE41TB0600000027467795

გადამხდელი:

ფინანსთა სამინისტროს შემოსავლების სამსახური

| მომსახურების აღწერა                                                    | დირეზულება | დღგ    | თანხა  |
|------------------------------------------------------------------------|------------|--------|--------|
| საბუღალტრო პროგრამა „Superfin“ 6-ის<br>ქსელური ვერსიის ბაზის განახლება | 701.69     | 126.31 | 828.00 |

(რვაასოცდარვა ლარი და 00 თეთრი) **828.00**



ბუღალტერია